

廣東通志

卷四十八之上

內閣文庫		
漢書	三九六九	六九二
類	號	冊
架	一〇	四

內閣文庫		
漢書	三九六九	六九二
類	號	冊
架	一〇	四
(三四五)		

內閣文庫		
番號	漢	3969
冊數	692 (543)	
函號	291	97

五四三



廣東通志卷第四十八

淺草文庫


列傳五

名宦五

未下

元

李朴字先之虔之興國人登紹聖元年進士第調臨  
 江軍司法叅軍移西京國子監教授程頤獨器許之  
 移虔州教授以嘗言隆祐太后不當廢處瑤華宮事  
 有詔推鞠忌者欲擠之死使人危言動之朴泰然無  
 懼色旋追官勒停會赦注汀州司戶右司諫陳瓘薦  
 朴有旨召對蔡京惡朴鯁直他執政三擬官皆持之  
 不下復以為虔州教授又嫉言者論朴為元祐學術  
 不當領師儒罷為肇慶府四會令有奸民言邑東地



廣東通志卷四十八

列傳五

元

產金寶立額買撲破田疇發墟墓厚賂乃已朴至請  
罷之改承事郎知臨江軍清江縣廣東路安撫司主  
管機宜文字欽宗在東宮聞其名及即位除著作郎  
半歲凡五遷至國子祭酒以疾不能至高宗即位除  
秘書監趨召未至而卒年六十五贈寶文閣待制官  
其子孫二人中書侍郎馮熙載欲邂逅見朴朴笑曰  
不能見蔡京焉能邂逅馮熙載邪居官所至有聲在  
廣南止其帥孫埃以文具勤王不若發常賦助邊破  
漕使鄭良引真臘取安南之計以息邊患人稱其智  
朴嘗自誌其墓曰以天為心以道為體以時為用其

可已矣蓋叙其平生云有章書集二十卷據宋史脩

林動賀州人政和五年進士為廣州教授建炎三年  
八月獻本政書十三篇言國家兵農之政率因唐末  
之故今農貧而多失職兵驕而不可用是以饑民竄  
卒類為盜賊宜假古井田之制使民一夫占田五十  
畝其有羨田之家毋得市田其無田與游惰不作者  
皆驅之使為隸農以耕田之羨者而雜紐錢穀以為  
十一之稅宋一之數視唐增至十倍今本政之制  
每十六夫為一口里為三千四百井率稅米  
五萬一千斛錢萬二一緡每井賦二兵馬一匹率為

兵六千四百人馬二千四百九歲收五之一以爲上  
番之額以給征役無事則又分爲四番以直官衛以  
給守衛是民凡一十五年而役一 遍也悉上則歲  
食米萬九千餘斛錢三千六百餘緡無事則減四分  
之三皆以一同之租稅供之匹婦之貢絹三尺綿一  
兩百里之縣歲收緡四千餘疋綿三千四百斤非蠶  
鄉則布六尺麻二兩所收視絹綿率倍之行之丁年  
則民之口筭官之酒賦 凡茶鹽香礬之權皆可弛  
以予民其說甚備書奏以動爲桂州節度掌書記朱  
喜甚愛其書東陽陳亮曰動爲此書考古驗今思慮

周密可謂勤矣世之爲井地之學者孰有加於勲者  
乎要必有英雄特起之君用於一變之後成順致利

則民不駭而可以善其後矣

據宋史廣  
州志參脩

季陵字延仲凌之龍泉人登政和二年上舍第三遷  
太常博士論學術邪正異同長官怒譖之執政謫知  
舒城縣建炎二年守尚書右司員外郎徽猷閣待制  
帥廣先是惠州有狂男子聚衆數千僭號作亂陵入  
境誘其徒曾衮令以功贖罪不旬日擒之在官三年  
卒年五十五贈中大夫有文集十卷據宋  
史脩  
李彌遜字似之蘇州吳縣人弱冠以上舍登大觀三

年第宣和末知冀州靖康元年召為衛尉少卿七年  
秋遷起居郎彌遜自政和末以上封事得貶垂二十  
年及復居是職直前論事鯁切如初冬試中書舍人  
秦檜再相惟彌遜與吏部侍郎晏端復有憂色八年  
彌遜上疏乞外甚力詔不允趙鼎罷相檜專國贊帝  
決策通和彌遜廷爭檜雖不從亦憚公論再與金使  
者計議和不受封冊九年春再上疏乞歸出以徽猷  
閣直學士知端州持正不阿監司甚得民情改知漳  
州十年歸隱連江西山是歲兀木分西道入侵明年  
又浸淮西取壽春竟如彌遜言於是彌遜落職十餘

年間不通時相書不請磨勘不乞任子不序封爵以

終其身嘗憂國無怨懟意二十三年卒朝廷思其忠

節詔復敷文閣待制諡文脩曾孫韶

韶字元善父文饒為台州司理參軍每謂人曰吾司

臬多陰德後有興者韶五歲能賦梅花嘉定四年與

其兄寧同舉進士調南雄州教授校文廣州時有當

國之親故私報所業韶卻之調慶元丞相史彌遠薦

士克學職韶不與表熨求學宮射圃益其居亦不與

熨以此更敬韶以庶勤薦遷主權三省架閣文字遷

太學正改太學博士上封事諫濟王竑獄且以書曉

彌遠言甚懇到累疏乞補外以集英殿修撰知漳州  
號稱廉平遷吏部侍郎兼中書舍人三辭不許淳祐  
二年疏言道揆之地愛善類不勝於愛爵祿畏公議  
不勝於畏權勢陛下以腹心寄之大臣大臣以腹心  
寄之一二都司恐不能周天下之慮故以之用人則  
能用其所知豈能用其所不知以之守法則能守其  
所不與必不能守其所欲與又及濟王國本宮媪二  
上疏乞歸以寶章閣直學士知泉州辭乞昇祠不許  
七年韶上十疏旬去以端明殿學士提舉正隆宮卒  
年七十五韶忠厚純實平粹簡澹不溺於聲色貨利

默坐一

雜賓云

據宋史脩

楊友泉州晉江人政和二年武舉及第紹興初歷知  
欽州先是交趾與前守爭鹽利謀舉兵友至遣使通  
好友宴交使于天涯亭交使語次欲爭地界友植鐵  
鎗於庭謂曰若欲地界請鑿戰臨池作詩友賡韻其  
末章云可憐鱗細閑驚躍誤把新蟬作釣鈞交使嘆  
誦惕息而退奸謀遂寢郡人呼爲楊鐵鎗云擢知廉  
州故事貢珠令民採取多溺死者友市於他州以充  
貢所得恩澤先奉三兄三子各一人州人皆服其義

據泉州志欽  
州志參脩

泉州志卷之六

傳志

五

廣通志卷四十一  
列傳五十五  
五  
一  
陳橐字德應紹興餘姚人入太學有聲登政和上舍  
第累遷權刑部侍郎除徽猷閣待制知穎昌府時河  
南新疆初復無敢往者橐即日就道次壽春則穎已  
不守攻虔州又攻廣州兵興後廣東盜賊無寧歲十  
年尤易牧守橐盡革弊政以恩先之留鎮三年民夷  
悅熙初朝廷移韓京一軍屯循州會郴寇駱科犯廣  
西詔遣京討之橐奏廣東累年困於寇賊自京移屯  
敵稍知畏今悉軍赴廣西則廣東危矣檜以橐爲京  
地坐稽留機事降秩屢上章告老改婺州請不已遂  
致事又十二年以疾卒于家年六十六橐博學剛介

不事產業先世田廬悉推予兄弟在廣積年四方聘  
幣一不入私室既謝事歸剡中僑寓僧寺日糴以食  
處之泰然王十朋爲風土賦論近世會稽人物曰杜  
祁公之後有陳德應云據宋史脩

葉顥字子昂興化軍僊遊人登紹興元年進士第爲  
廣州南海縣主簿攝尉盜發州檄巡尉同捕巡檢獲  
盜十餘人歸其勞於顥顥曰掠美欺君倖賞三者皆  
罪不忍爲也帥曾開大喜之知信州貴溪縣歷郡俱  
有惠政除端明殿學士拜叅知政事兼同知樞密院  
事御史林安宅請兩淮行鐵錢顥力言不可安宅不

能平舊為廣東漕素與顒不合既入樞府乃上章攻  
 顒云顒之子受宣州富人周良臣錢百萬得監鎮江  
 大軍倉御史王伯庠亦論之顒乞下吏辨明乃以資  
 政殿學士提舉洞霄宮上下其事臨安府時王炎知  
 臨安上令炎親鞫置對無秋毫跡獄奏上以安宅伯  
 庠風聞失實並免所居官仍貶安宅筠州召顒赴闕  
 入見上勞之曰卿之清德自是愈光矣除知樞密院  
 事未拜進尚書左僕射兼樞密使乾道三年冬至上  
 親郊而雷顒引漢故事上印綬提舉太平興國宮歸  
 至家不疾而薨年六十八以觀文殿學士致仕贈特

進謚正簡據宋史脩

沈杞餘杭人紹興初知廉州時本州科舉附雷州杞  
 憫士子遠涉鯨波奏請自置科場詔從之由是士益  
 奮志得人為盛後立祠於學宮像而祀之據廉州志脩  
 蘇洵字澄老父欽自泉之德化遷仙遊官至利州路  
 轉運判官洵以父任入官知臨川縣脩治述陂民號  
 蘇公陂通判賓州時張栻為帥以廉吏舉除知雷州  
 秩滿赴闕而陳三劄一乞折納徐聞丁米以便民二  
 乞籍海舟以戢姦盜三乞戒約廣西軍寨不得差人  
 回易改知新州民有何暮之歌移封州洵首請減放



丁未及經制無額之數所至人皆德之

據泉州志脩

林一鳴字聞卿莆田人以父正蔭補官梁克家當國

起知南雄州改知惠州請發常平倉賑糶饑民奏罷

賣口食鹽淹造鹽鈔紙官酷為民病者十數事文為

文諭民力學種麥墾荒田脩坡塘去喪樂禁殺牛等

事居民有殺牛方揮刀間牛掣斷繫奔至廳下若有

所訴見者驚異一鳴命飼牛為治其屠人以為仁化

所及官滿之日惟圖書數篋而已

據興化志脩

羅烈字子剛長汀人也紹興初為循州興寧令會群

盜出沒一日突入縣執烈去烈不為動以理論之賊

不敢加害乃送還邑各遁去未幾賊黨復合烈率民

兵千餘直擣其壘賊潰奔得所掠子女二百人遣歸

其家時莆田陳膏知惠州廣賊曾衮犯惠經畧使連

南夫會諸郡兵攻之不克膏單詣賊壘譬曉之賊遂

降

據惠州志脩

李卅不知何許人紹興間知化州以輓斃郡城其後

李接寇鬱林踐蹂五州引兵圍城凡八日夜竟不能

拔州人德之

據高州志脩

張本中福州長樂人紹興元年知陽山縣事勞心撫

字春秋循行阡陌教民稼穡察其豐儉而施之以政

民愛之如父母舊俗婚喪以歌唱為禮本中華之民  
遵其教至今不忘據舊通志脩

王洽字元化太原人紹興初知南恩州仁厚勤敏值  
歲荒發粟賑饑存活甚衆盜賊竊發練兵以振之人

賴以安暇則誦學課勵生徒以厚風俗沒後州人立  
祠祀之據肇慶志脩

邵德一餘杭人紹興初知廉州至任見學宮遭賊焚毀  
乃徙子城東門外給已俸以周其費即今之學宮是

也士子立祠祀之據舊通志脩  
虞況會稽人紹興二年知瓊州以瓊隔海洋民莫解

得上達吏無顧忌民苦侵漁此歷代積弊乃上請不

禁越訴仍乞勅監司按治重行責罰數年之間宿弊  
頓除民得安生據瓊臺志脩

唐開江華人建炎初第進士通判廉州治績著稱于  
時又有何先覺者隆興初知廉州首興學校建殿堂

畫三禮圖於講堂又置耕桑法刊行與士庶習之據舊通志脩

張夔字致堯潮州人通判廉州至先誓神秋毫無取  
時山寇竊發檄諭之以禍福令歸農不旬日間盜皆

投去高宗書其名於屏曰南有張夔北有周聊紹興

通志

通志

七

二十年知新州時學校自舍法罷士習委靡瓊至重脩郡庠優加廩餼暇日至學與諸生徒執經問難他

郡學者聞風而至所著有祿隱集據舊通志廉州志肇慶志叅脩

馬持國新會人紹興中通判欽州不貿交貨遠近讐

服欽人為立祠且素力學有大志每語及恢復輒泣

下據廉州志脩

傅自脩字勤道泉州人紹興中知潮州海寇猖獗自

脩招降之請于朝籍為水軍賴以控扼海道累官直

寶文閣將漕江西卒據泉州志脩

虞輔國李憲不知其州里俱為澄海將軍紹興八年

海寇陳旺攻南城輔國與郡守議曰守城則禍深出

戰則禍淺吾請戰矣郡守以衆寡不敵難之復請至

再三李憲亦以死請遂開南門而出自朝至午戰數

十合輔國歿焉李憲奮勇愈厲至暮亦戰歿寇見死

戰不已乃縱火而去城池獲全劉震贊曰人莫不有

鋒刃骨腐沙磧猶凜凜有生氣若以艾炙額卧死兒

女子手誠小丈夫也以二公之死而保一城之生其

功亦大矣予惜不得執史筆聊

附之州乘云○據舊通志脩

李諤廣州人建炎二年進士紹興間瓊管安撫有政

聲時州惟有子城諤因為百姓許益作亂遂築外羅

城州人賴之據瓊臺志脩

章元振嘉興人紹興中知肇慶府改廣東提舉與秦檜同登第其於遠宦未嘗以私于檜人服其不阿據

慶志

陳中孚字子正吉陽人紹興間知萬寧縣黎賊犯城

居守有勞擢知昌化軍政舉民安子適為臨高尉儋

民作亂適徑造賊壘諭以禍福遂散去後亦遷知昌

化軍父子相繼時人榮之據增墓志脩

廖致字粹老連州人紹興中守新州清白有為月得

供給錢悉付公帑以備不虞之用或訝其太過曰吾

惟一子既已登科吾復何求其恬淡如此子顯見人

物傳據肇慶志脩

劉安雅紹興中知梅州虔賊陳榮等圍城安雅命取

人物草研汁投酒散於民居賊遣人賫牒索金銀安

雅遽磔之盜入民居縱飲死者百數賊疑懼遁去圍

遂解據肇慶志脩

王趨不知何許人紹興十五年知雷州盡心民務舊

子城圯壞乃剏築外城以遏寇盜雷人賴之宰相趙

鼎南謫過雷趨厚款之又假肩輿以送州倅以聞秦

檜檜怒坐謫全州據雷州志脩

王大寶字元龜潮州海陽人紹興十六年以右承議

郎知連州下車訪民疾苦民皆曰惟月輸免行錢不  
便大寶為減之時魏公張浚謫居連州命子栻相與  
講學浚嘗患俸不時得大寶以經制錢給之又明年  
改知袁州去據連州志脩

黃公度字師憲莆田人紹興八年進士第一人十九  
年通判肇慶府攝南恩守治事之餘以讀書著文為  
樂嘗題隆蔭堂詩云簿書休吏早花塢向人閑又增  
學廩擇秀民與之登降揖遜學者用勸邦人像而祠  
之及召還詢以嶺外弊事公度曰廣東小郡有十年  
不除守臣者權官苟且郡政廢弛民受其弊高宗曰

君歸吏部當無此弊遂以公度為考功員外郎終左  
朝請郎所著有漢書鑄誤及知稼集等書行世據肇慶志脩

黃濟字義卿靜江人紹興二十年自肇慶倅攝新州  
踰年種刺竹圍城一千二百餘丈先是鄉民之貧死  
者猶附於籍富厚者多避事役公榜諭之且置大櫃  
於州門令民自投戶數於中限滿拆封於是戶口覈  
實賦役均平民以不擾胡侍郎銓記其政蹟甚悉據肇慶志脩

傳雱不知何許人紹興二十一年權知南恩州文章  
政事迥出衆表民稱其賢特立五馬坊以榮之至今

廣通志卷之四  
列傳  
十一  
猶以名坊

據陽江志修

黃勳字元功南海人紹興二年進士歷任朝散郎二十三年知雷州以外城土築不堅易以甄甃甬甃南北二城代去知新州視事首禁火葬違者以殺逆論媮俗為變又課民耕犢使上其數于官自是一郡無敢殺牛者學田不足缺膳羞乃以貲增置之政暇即與諸生講解士子樂從之而青衿日盛為循良首稱終朝散大夫致仕

據雷州志新興志參脩

趙伯樞紹興二十四年知雷州鋤強扶柔節垢爬癢民獲真安以東西城壁未完乃陶甃甃甃其東西合

黃勳所砌南北二城堅完高廣遂前功弭後患蓋有

力焉

據雷州志脩

何庚春陵人以紹興二十六年知雷州急於民隱常以興利除害為公東洋田舊無陂塘畝澮以資灌溉庚相地宜鑿渠北導特呂塘之水使之南下西導西湖之水使之東注合二水灌田數千頃公私獲利名其渠為何公渠民到于今思之

據雷州志脩

連南夫湖北德安人高宗時累官廣東轉運使新興饑發粟賑濟全活以萬計後知廣州兵馬鈐轄韓京受命領兵三千屯營廣州恃恩不法南夫委曲剗制

京遂革心爲善會潰軍掠南雄招撫得宜餘黨屯聚  
京擊破大盜七十餘屯民賴以安盜平授建州觀察  
使知循州時兵燹之後邑里蕭條初至循招集流亡  
百廢具興守循十年大有功於民嘗督兵賊干梅守  
臣銜之因其建光孝寺壯麗慮有異志密聞于朝遂  
罷去後循人繪像祠於州學南夫啓導乎化之力也  
及金人歸河南地南夫賀表云虞舜之十二州昔皆  
吾有商於之六百里當念爾欺秦檜惡其語罷之據

統志  
脩

王宗已字子游長溪人紹興間進士爲增城令治居

廣東二十九縣之最上特書其名於御屏秩滿調常  
熟縣時水軍統制馮某抑配民戶宗已奏乞成約有  
旨除登聞鼓院尋知廣州遷知蘄州時待闕者千餘  
人孝宗指其名示宰執曰是宰相常熟者宜授之官

終朝奏大夫

據八閩  
通志脩

龔茂良字實之興化軍人紹興八年進士第爲南安  
簿邵武司法父母喪哀號擗踊鄰不忍聞調泉州察  
推以廉勤稱改宣教郎累遷吏部郎官除監察御史  
江浙大水詔陳闕失茂良疏曰水至陰也其占爲女  
寵爲嬖佞爲小人專制崇觀政和小人道長內則儉

廣惠渠考  
西  
一  
齋竊弄外則姦回克斤於是京城大水以至金人犯  
闕今進一人施行一事命由中出人心譁然指爲此  
輩臣願先去腹心之疾然後政事闕失可次第言矣  
內侍梁珂曾覲龍大淵皆用事故茂良及之遷右正  
言除直秘閣知建寧府自以不爲羣小所容請祠不  
允上後知二人之姦旣逐于外起茂良廣東提刑就  
知信州即番山之址建學又置番禺南海學旣成釋  
奠行鄉飲酒以落之城東舊有廣惠庵中原衣冠沒  
於南者葬之歲久廢茂良訪故地更建海會浮圖敢  
寄暴露者皆揜藏無遺召對崇政殿拜叅知政事潮

州守奏通判不法得旨下帥臣體訪通判茂良鄉人  
也同列密以省吏付棘寺推鞠欲及茂良奏事退同  
列留身出獄案進上茂良不知也上厲聲曰叅政決  
無此茂良遜謝不復辯宣諭獎用廉退茂良奏朱熹  
操行耿介屢召不起宜蒙錄用除祕書郎羣小乘間  
讒毀淳熙四年因疾力求去上曰朕以經筵召史浩  
卿不須疑時曾覲欲以大資祿其孫茂良以文武官  
各隨本色蔭補格法繳進謝廓然賜出身除殿中侍  
御史廓然附曾覲者也中書舍人林光輔繳奏不書  
黃遂補外茂良力求去上諭曰朕極知卿不敢忘欲



保全卿去候議恢復卿當再來是日除職與郡令內  
殿奏事乃手疏恢復六事上曰卿五年不說恢復何  
故今日及此退朝甚怒曰福建子不可信如此謝廓  
然因劾之乃落職既罷尋又論茂良擅權不公矯上  
旨輒斷賈光祖等罪遂責降安置英州父子卒于貶  
所覲與廓然死後茂良家投匭訟寃遂復通奉大夫  
周必大獨相進呈復職上曰茂良本無罪遂復資政  
殿學士謚莊敏據宋史廣  
州志參條  
林扞字廷植晉江人紹興十八年第進士調歸善尉  
獲鹽盜十餘人白郡守請寬其罪或諭以賞格扞曰

吾為官吏其可幸赤子之無知以為已功教授肇慶  
府初扞游太學與林孝澤友善時孝澤持節行部不  
入官舍而館于學一日扞謂孝澤曰公宜他徙毋重  
困我因出守貳已下書一束示之皆未啓緘孝澤止  
啓守書予以薦牘翌日守持白金詣扞謝扞曰壅鹽  
一第猶恐不稱何使君待我薄也守慙退始扞居里  
故人為舶屬來訪見扞一室蕭然惟案上圖書數軸  
從容謂曰僊居海濱豈無可委諭者扞曰此言何為  
至我遂不復謁謝遷南恩州簽判卒于官據泉州  
志條  
王沂之字春伯晉江人以門蔭歷官知新州有惠政

將去民遮留累日帥瓊筦却例冊錢貸民租卒于官

據泉州志脩

姚孝資者紹興十九年以右從政郎知東莞縣事治

才精敏下令闔境築堤護田水利大興民蒙其利時

香山鎮惟設寨官一員役屬東莞輸役往來最為不

便庫涌士人陳天覺請建寨為縣孝資如其言疏聞

從其所請於是敦武校尉邕州副將劉必從捐其祖

地以為縣治至今賴之

據東莞志香山志參脩

楊萬里字廷秀吉水人登紹興二十四年進士為贛

州司戶謫永州零陵丞時張浚謫永州門謝客萬里

三二不得見以書力請始見之浚勉以正心誠意之

萬里服其教終身廼名讀書之室曰誠齋浚入相

薦之朝除臨安府教授未赴丁父憂出知漳州政常

州尋提舉廣東常平茶鹽盜沈師犯南粵帥師往平

之孝宗稱之曰仁者之勇遂有大用意就除提點刑

獄請於潮惠二州築外砦潮以鎮賊之巢惠以扼賊

之路俄以憂去免喪召為尚左郎官進寶文閣待制

致仕嘉泰三年詔廷寶謨閣直學士給賜衣帶開禧

元年召復辭明年升寶謨閣學士卒年八十二贈光

祿大夫萬里為人剛而確孝宗始愛其才以問周必

大必大無善之此不見用而須於詩嘗著易傳

行於世光宗嘗謂稱誠齋先生賜

謚文節子長孺博

長孺字伯子別號山茂補守湖州累官三

廣東經畧安撫使知廣州谷曰士大夫清廉

便是七分人矣嶺南群吏推孺清白著于時有

詔獎諭謂其清似隱之故長孺賦詩有詔謂臣清似

隱之臣清元不畏人知之句改安撫福建真德秀入

對寧宗問當今庶吏德秀以長孺對端平以忤權貴

劾去加集英脩撰致仕詔定元年起判江西憲臺尋

以敷文閣直學士致仕年七十九卒郡人立像

隱之合祠鶴林玉露一大大愛一文不直一文陳

子嘗為予言士大夫清廉便見七分人了蓋公志仁

明皆自此生伯子誠齋豕嗣也東山先生清節高文

距美克月帥審禹將受什有俸錢七千緡盡以代

置亡百之岷都不要脂膏留放小民家又別石門

贈汝這回欲帶忘來亦蓋昔之守五年不十南

物歸舟有香一片舉不投計工中用此事其

帥三山不請供給錢以作豪云作詩貽先君云


與世長多忤持身轉覺孤齋新齒舌收拾老頭顱

我已詞瀧史君誰誦了虛司歸燈少詩家裡讀渠書

時先君與之同入閣也古月仲一壺冰朱絲公

二詩送之林自和一詩收公來一鶴公去有一

鞵又有幕府詩云不盡如一與之之出一



揚八孺

丁閩靡侵公帑之毫

唯載歸艫之圖

皆當今廉吏也

苦如此夫夫人曰奴婢

月黎明即起請

亦人子也清景

此言必不能如吾矣

怒曰我自樂此不

東山守吳夫人嘗

躬紡績以爲衣時年

蓋八十餘矣東山

出所積券曰此長物

居首飾以止於銀衣

宜悉以謝

一則吾無事矣

人子以止於銀衣是誠

綸生四子

何心哉誠

歸東山帥五羊以俸錢

俸給皆萬

無增節

下尸輸租

絹數端

山病且死

衣適廣西帥趙仁餽

守廬勝

官滿來訪入其門

材無憂今中良叔

誠可

山清介絕俗

天資而婦道毋儀所

助亦已多矣左傳文伯之母老而猶績文伯曰以

之未聞也居吾語汝民勞則思思則善心生逸則

而義勞也是故王后親織玄紵公侯之夫人加以紘

向卿之內子爲大帶命婦成祭服列士之妻加以紘

朝服自庶士以下皆衣其夫社而賦事丞而獻功無

女效績愆則有辟古之制也吾與而朝夕脩日必無

廢先人爾今日胡不自安以是承君之官予懼穆伯

之絕也因是觀誠齋夫人乃知古今未嘗無烈女未

嘗無賢母○據宋

史廣州志參脩

羅從彥字仲素沙縣人也紹興壬子以特科授博羅

縣簿嘗於羅浮山澄心靜坐窮天地萬物之理以及

古今事變之歸其語學者靜中看喜怒哀樂未發氣

象尤爲所自得者乙卯卒于官喪不得歸者數年族

人羅友為惠州判官始遣人持護以歸

據惠州志脩

留正字仲志泉州永春人紹興庚辰進士為南恩州

陽江尉清海軍節度判官龔茂良守番禺器其才薦

于宰相虞允文奇之擢知循州陛辭首言崇尚名節

孝宗嘉之留為軍器監簿累遷中書舍人屢封還詞

頭言忤時相以顯謨閣直學士出知紹興府後為四

川制置使以擒羌酋奴兒結功除簽書樞密院叅知

政事淳熙十六年拜右丞相時光宗為皇太子上語

之曰留正淳誠可託紹熙元年遷左丞相初正帥蜀

慮吳氏世將將不請議更蜀帥韓侂胄為吳氏地使

吳曦世襲正力請留曦環衛後數歲曦入蜀果叛壽

皇聖政記成封衛國公孝宗崩光宗不克臨累乞立

嘉王為太子監國行祭禮與主議者不合遂以肩輿

去寧宗即位召還復相韓侂胄寢謀預政數詣都堂

正使省吏諭之曰此非知閣日往來之地侂胄怒而

退每揣上意間之竟罷相慶元三年以張釜言責授

中大夫光祿卿分司西京邵州居住俄詔復原官致

仕嘉泰元年進封魏國公復少師觀文殿大學士開

禧二年卒年七十八贈太師謚忠宣有詩文奏議外

廣通志卷八  
一列名官三  
恭字伯禮歷官通判廣州秩滿民疏其惠愛二十事  
請留部使者薦知南康軍爲政以朱文公所行爲法  
累遷提舉浙西常平境內大饑畢力賑恤全活幾四  
萬人知紹興府蠲租省役罷遊宴絕餽遺杜請謁號  
循吏時稱楮令嚴不忍抑配吏請按故牘恭僉燬之  
知廣州徭竊發捕降其豪酋四十四洞悉平以直微  
猷閣奉祠起知建寧卒贈秘閣脩撰筠字端父歷官  
知邵州奏蠲和糴入爲司農寺丞使金察其勢必亡  
歸陳備邊五策除度支郎提點湖南江西刑獄移知  
廣州請鬻鈔以餌鹽寇端平直龍圖閣奉祠卒忠宣

諸子中筠尤賢初姪元剛欲建義塾不遂後筠輟其  
遺業三之一以建義塾贍鄂公諸孫之貧者碩字季  
膺歷官知南恩州言南州郡兵弱乞刺填軍額以備  
不虞理官縣尉乞覈官簿少叙註耄繆者知岳州講  
荒政閣租稅民便之爲大理寺丞請立武庫解額試  
于諸路帥府中則試兵部事雖不行論者是之以知

建昌軍卒

據宋史脩

芮燁字國器烏程人登進士官至左從政郎嘗和沈  
長卿詩云寧令漢社稷變作莽乾坤秦檜惡之坐謫  
武岡軍竄化州檜死始放還隆興二年召用爲廣東

提刑以文章飾吏事雍容儒雅人推重之後為國子司業晚歲詩益奇有文集藏于家

據一統志

柯宋英字子飛泉州人紹興中進士知梅州古有隱

君子程皎以德行聞州人思之與韓文公並祠于學

宮宋英闢郡齋名曰景程任滿無一死囚代還三奉

郡祿杜門謝客州縣官稀識其面同邑方漸亦以進

士知梅州好積書至數千卷云

據泉州志

毛士毅富川人吳川簿移石城令李接攻城士毅語

縣尉曹曰吾與君當以死衛百姓乃糾合義兵與賊

戰尉死於兵士毅亦罵賊遇害而死事聞高宗嘉其

忠義贈承事郎

據廣西通志

黃適字德夫晉江人以詞賦稱紹興二十七年第進

士知廣州東莞縣不苛而辦帥意縣有餘藏會適謁

府遣掾襲其職掾奉意指籍嘗賦為贏以獻他日府

責賦適報掾已輸矣府欲令再斂即文移數十訖無

以償而止帥因薦公治狀籍記中書秩滿守新州

據泉

州志

陳景魏永春人知潮陽縣歲解丁銀郡守以議者計

督拘錠頭錢盡械邑吏景魏曰吾寧以罪去決不敢

奉承貽害無窮守不能奪由提轄文思院改知惠州

獻出久禁之囚重正胥魁之罪時惠經兵毀景魏痛  
搏節新故葺弊歲大饑上言民瘵未瘳減惠陽糴米  
三之一擢知潮州後英德卒據泉州志脩  
林光朝字謙之興化軍莆田人再試禮部不第聞吳  
中陸子正嘗從尹焞學因徃從之游自是專心聖賢  
踐履之學通六經貫百氏言動必以禮四方來學者  
亡慮數百人南渡後以伊洛之學倡東南者自光朝  
始然未嘗著書惟口授學者使之心通理解嘗曰道  
之全體存乎太虛六經既發明之後世註解固已支  
離若復增加道愈遠矣孝宗隆興元年光朝年五十

以進士及第歷著作佐郎兼禮部郎官八年進國子  
司業兼太子侍讀史職如故是時張說再除簽書樞  
密院事光朝不往實  
茶寇自荆湘剽江西蒲  
兵檄摧鋒統制路得銜  
有詔徙光朝得  
督二將遮擊  
朝儒生乃知  
子諭德四年  
紫除中書  
庸帝大稱善面賜金  
伯撰知婺州據宋史廣州志參脩  
西提點刑獄移廣東  
其鋒銳甚光朝自將郡  
各以軍分控要害會  
勢方張留屯不去  
帝聞之喜曰林光

廣通志卷四  
三



教陶孫

立就弱

目以詩

通衢云九

死陶孫登

判有臞庵集

歐陽直卿字温

事堆官白郡守以

聽計直而輸之郡白

以南山谷多剽鹵守

人志為文章援筆

有遂未熹陶孫

以文又揭詩于

渠家末世孫仇胄誅

詳讞明允終温陵僉

人志為文章援筆

以文又揭詩于

渠家末世孫仇胄誅

詳讞明允終温陵僉

屯者不郎下直卿

將校道勞否自是

去改知漳浦賦

僉判惠州轉

潘時守德廊

累任南路提

東路經

多橫

補助

歲一

川面數織悉復歷阻隘

能聲所至號為易治復求

以叔良貴任以為登仕郎

據興化志脩

川兼主管廣南

州用度不足

下漕司通融

境四州之民

出至數千人時

境四州之民

入境

不得格期

有招納亡人

州縣吏不敢詰問

瀦其居宅盜望風破膽

雖良民亦以魚鹽為命

從來久至是新置都鹽使欽欲禁之檄水軍逐捕

時曰水軍專受帥府節度非他司可得而調也且爭

利起大盜將誰使任其責耶卒拒法不為發良民

丘得少安乃陰募壯士出豪使以捕賊自効由是盜

一日而去者吏

以有梁氏兄弟

以致富交通

形禽捕誅殺汙

入海中寇攘所聚

散入賊中不可禁所

輒得有功者為奏補官鬪死即官其子而重責其坐

視不赴救者官屬不幸死者厚賻歸存沒老稚無一

人流落如是者三十餘家士族女失身非類贖而歸

之終朝議大夫直顯謨閣卒

據宋史朱子大全參脩

黃洵字清臣甌寧人以父廕除知南雄州郡小用度

不饒舊常法外重贖以取資且推酒酤增稅柵民告

病矣而官用猶不足洵至一切罷之入以便安而郡

亦未嘗乏事也州故與建饒贛州代輸坑冶司歲貢

白金各若干兩故事皆取於民以辦公請以郡大小

為差詔悉蠲之郡人賴焉乾道四年改廣南東路提

舉市舶帥守市賈胡香不償直洧舉法移州帥愧且懼亟召歸之更爲轉運判官廣學祖禮名士益勸諸生以學番禺令近在帥守諸司治所肆意爲姦無按舉者洧素聞之至是誨利之不能改乃捕其吏屬劾之反而獄具奏上閱實抵罪以去其餘不循法度以病民者隨罪大小以次繩治於是各路肅然官吏始知有法守矣市人困於官估丐奪之擾洧爲移書一路罷官估除市籍百貫得職物價爲平復上奏請均其法於諸路詔施行之丁籍久失開收口賦之連均及鄰伍流亡日衆洧選吏分行覈其實而除之一路

所蠲凡十有五萬口流冗浸復瀕海蛋戶數萬生理至微亦有役於州縣洧悉免之按行所部雖煙瘴荒遠無所憚訪問疾苦伸理寬抑不可勝計革外銓匿闕徇私之弊人無怨言江浙歲饑有旨發二廣義倉米航海詣永嘉往時嘗有此役吏並緣以擾民而米不時達洧處之有方且并西道所發轉致之不越月而至永嘉者八萬斛永嘉人焚香迎拜步下曰此廣東運使活我也史正志爲發運使專以括取諸道羨錢爲己功諸道承風聽命不暇洧曰嶺外貧薄安得視它路財予緡錢千數正志怒欲陷洧爲人告者乃

已改使荆湖南路積官朝散郎卒朱熹銘其墓云宋

史朱子全參脩

戴之邵廬陵人乾道六年知雷州先是何公鑿渠引水而捍海隄岸崩弛無以禦鹹鹵之邵又沿海築堤建閘并浚二渠之湮塞者自是外無斥鹵之患內有灌溉之饒民享永利日其堤為戴公堤又遷郡序於海康縣西自書進學說以勉學者復懇南軒張栻為記以申詔之據雷州志脩  
楊思溫清江人登紹興進士第乾道八年陞中奉大夫清海軍節度使寬 慈和民賴撫綏間禧二年改

去民不能舍據志

毛炳廣西富川人個儻不羈好讀書乾道中少平允陞廉州都巡檢使交寇犯境死于難累贈太尉謚

烈據廣西通志廉州志參脩

以豐字宜中興化人乾道九年知南恩州政尚廉靜按物以誠田野無毛之擾民次曰君不見恩平陳守賢優游治郡鮮遇一撰青詞云願俾微臣特減數年之壽人茲日晉慶蒲而沒囊無跡貲哀田慶劉燭字晦伯建陽學于朱熹呂祖謙

乾道八年舉進士

興燦從熹武夷山

為終老

慶府大脩

糾集武勇民

勢貽陛下憂今

以廣忠益必振公道以進人才必飭邊備以防敵患

提舉廣東常平令守臣皆一一半易新春末支及冬

復償存其半以備緩急丁戶錢十萬轉運司五

公使公用二庫浦之奏義倉之敝方丁

錢之敝小官奉給之敝

之敝吏商之敝

入奏事首論公道明則人

一朝廷自尊雖危可

安也公道廢則人心自二朝廷自輕唯安易危也帝

嘉獎遷尚左郎官權工部書賜衣取馬兼太子

右庶子仍兼左諭德每講至經史所陳聲色嗜欲

之戒輒懇切再三敷陳之說詹事戴溪讀

之為之吐舌卒人官其後賜謚文簡所著

有奏議史解禮記解講堂故事

雲莊外藁據

許巽字少陽仙遊人置鄉薦乾道五年進士

調知惠州歸善縣

為盜者異驗問非實不

為理尉囊

太守入其說廷詰異異

曰行法在太守執法

不可不能弘異遂縱遣之

皆舉手加額曰生我

再生我者知縣終朝散

大夫

據仙遊志脩

廖德明字子晦南劔人少學釋

及得龜山楊時書

讀之大悟遂受業朱熹登乾

中進士第知莆田縣

民有奉淫祠者罪之沉像于江改韶州教授廣濂溪

書院以訓課生徒嘉定初選廣東提舉刑獄彈劾不

避權勢歲當薦士朝貴多以書託之德明日此國不

公器也悉不啓封還之有鄉人為主簿德明聞其能

薦之會德明行縣簿感其知己置酒延之悉假富人

觴立甚盛德明怒曰一主簿乃若是侈耶必貪也於

是追還薦章其公嚴類此時盜陷桂陽逼韶韶人懼

德明燕笑自如遣將馳擊而親持小麾督戰大敗之

乃分戍守遠斥堠明審賞罰宣布威信韶晏然如平

時徙知廣州遷吏部左選郎官奉祠卒在南粵時立

師悟堂刻朱熹家禮及程氏諸書公餘延僚屬及諸

生親為講說遠近化之嘗語人以仕學之要曰德明

自始仕以至為郡惟用三代直道而行一句而已學

者稱為槎溪先生有槎溪集行于世後有昆陵張篔  
與陳方者相繼為韶州教授脩造學舍克終德明之

志云

據宋史廣州志  
韶州志參脩

趙侗字彥忠泉州人知惠州惠前號豐郡後覆窘侗  
曰必吏欺也覈之果得米斛七緡錢五萬公入既羨  
斥其餘惠民治以最聞又有趙絳者淳熙初知萬安  
軍黎人王集結兆多叢三洞叛絳如瓊乞師屯賊衝  
未幾剿平三洞

據泉州志瓊  
臺志參脩

黃定字泰之永福人既道中進士第一累官知潮州  
為政務刻弊蘇瘵潮民德之官終國子祭酒直顯謨

閣廣東提舉有文集行于世後祀於潮州賢守祠

閩通  
志脩

陳峴字山浦温州平陽人少篤學工文辭淳熙丁未  
進士中博學宏辭科歷官有政聲以太中大夫集英  
殿脩撰嘉定元年知廣州軍州事兼管內勸農使充  
廣南東路經畧安撫使馬步軍都總管先是邑民苦  
預借峴至蠲諸邑宿逋四萬六千緡免大禮歲助賞  
錢一萬四千緡罷諸場稅額最為民言者二千五百  
緡幕僚以舊額請峴以州賦代輸且奏于朝無得預  
借民獲甦息廣學宮治城濠設閘門渚水以備不常

閱歲日役並興勞費不憚時獠寇部界謀窺州城峴  
募勇敢軍日加訓練益為備城以南戶口繁夥舊無  
悍蔽乃築東西鴈埭城以翼之郡彌多士貢額纔十  
三峴為請于朝嘉定三年增額為二十五帥廣三年  
政務寬簡民甚德之以功封永嘉郡開國子食邑五  
百戶嘗以政暇委州文學齊琥監鹽倉季端仁編南  
海志凡都會名蹟堙遏弗彰者皆補書之成一方信  
史凡十二卷云據舊通志姑蘇志温州志參條  
馬淘不知何許人淳熙中知高州李接將寇郡境淘  
乃整軍陣備戰器嚴約束賊聞風不敢進一郡獲安

高州志條

李綸字世美泉州人以廕歷仕有清操淳熙初提與  
廣東常平日適伯兄維守恩平酌別江濱兄弟相勵  
以清白綸慷慨臨江籲天曰倘負軍民有如此水遂  
投杯于江杯停不沒者久之觀者驚嘆民歌曰石門之水清且清  
晉史一歌千古榮爭如李公投盃盟  
江流洶洶盃停停○據泉州志條  
傅大聲字仲廣仙遊人淳熙中進士通判循州適寇  
起守稱疾大聲調發諸軍奮力鏖戰賊皆潰去未幾  
餘黨復倡獮諸司專委大聲督捕乃上禦賊數策漕  
使劉強學躋之頒行于廣東遂効守不職以大聲攝

廣通志卷五

傅大聲

三



州事尋奏為真闔城驩呼曰傳父爾留吾屬有依矣  
 前數月郡圃有老松數株日出紫氣如雲騰空而上  
 及大聲拜守人以為德政所感守上日有例冊錢千  
 緡却之郡倉米斛增大於舊大聲首較定之在循四  
 年民樂其政相率立祠焉據八閩通志  
興化志參脩  
 鄒非熊字宗望宜黃人登淳熙中進士授樂昌尉獲  
 強盜耻受賞修復石渠以溉田民有去思辟曲江令  
 平反獄事活死囚十有二邑人刻石民有張九韶者  
 被盜尉執平民燬煉誣服非熊力爭破械遣之居亡  
 何真盜敗九韶失物咸在人服其明遷判邵州陞辭

陳三事上嘉納官至廣東提刑自號竹巖持論勁為

文典人甚服之

據韶州志江  
西通志參脩

方信孺字孚若莆田人登進士初為番禺縣尉盜劫  
 海賈方聚分鹵獲信孺捕之盜惶駭欲趨舟而信孺  
 已使人負盜舟去矣乃悉縛盜不失一人嘉定元年  
 擢通判肇慶承檄督捕雄韶崗寇諸臺辟知新州未  
 上有旨令同廖德明措置收捕就知韶州時江湖屬  
 邑多燬于賊惟韶境賴之晏然未幾赤水洞賊踰嶺  
 信孺遣義士秦綱督帳下兵與戰斬其渠而綱亦殞  
 于賊信孺復欲募勇敢搗賊巢既而朝廷用招降之

說乃止轉知道州據廣州志江  
西通志參脩

李菲長沙人淳熙二年知雷州蒞政勤篤尤尚風化

簿書之暇即葺學宮與士子講論彝倫分別善利害

亦知政之所重者也據雷州  
志脩

周鄜字其父海陵人淳熙中知吉陽軍寬平御下淳

熙丁未給錢重脩州學嘗遣熟黎入諭招撫得生黎

五十餘崗每遇寅酉出城市貿易酷愛山水丙午尋

訪洞天作磨崖石船記至今猶傳據信州  
志脩

岳霖相州人鄂武穆王飛之次子淳熙三年任知欽

州交趾入貢使者肆毀驛舍霖封劔示其都監曰若

不葺而行當以軍法相待交人畏之繕而後行據廉  
州志

管鑑字仲明臨川人以父蔭補官任至廣東提刑權

知七印吏不能欺減惠潮七郡丁租置廣安宅以給

士夫南遷不能還者其幹公務恤民隱未嘗少倦也

又韓璧者淳熙間為瓊管帥出入阡陌勞來不倦期

年化成黎人感慕願供田稅二人頗相類據江西通  
志瓊臺志

徐應龍字允叔建寧人淳熙二年第進士嘉定間知

雷州為政寬厚愛民如子勸農興學雷人頌之知南

恩州政清而嚴奸豪屏跡民歌曰生我父母在何許  
 養我父母徐州主後累官至刑部尚書據雷州志脩  
 宋煜字伯華莆田人淳熙間知循州嶺南諸郡鬻舍  
 率敝陋煜至即撤而新之循人士始自力于學州境  
 舊多曠土煜令民墾耕奏蠲其租六年遂成沃壤初  
 民以茅覆屋恒多火灾煜乃量戶高下貸以官錢又  
 輟城兵之匠者陶者相其役民用安居以時還所貸  
 無一人敢負者先是守將閱城多具文煜按視必親  
 月以為常陳尚盜發倉卒徵旁郡兵獨煜所遣皆素  
 練督將倚賴之迄以殄賊尋改知惠州惠有蘇范二

姓故武斷為奸利州縣莫能制煜卒窮致其罪豪猾  
 喘息有富民抵辜援舊比請輸錢以贖煜曰是豈所  
 以癩惡示懲耶竟論如律又減重額刷逋戶刻虛籍  
 以蘇積困惠人德之煜孫翊以廕補得官端平初通  
 判廣州時崔與之為帥辟知循州上疏竊見通判宋  
 廉介有守非試令之程鄉又宰惠之歸善一善撫字  
 安靜無擾邑人至今思之循州介乎二邑之間凡民  
 情之休戚風土之利病耳目所接罔不備諸今丞郡  
 番禺多籍裨贊委以決事成謂精明竊惟周郡擇守  
 最成貪殘儻使謝端平二年二月即獲朝旨命速之  
 為之必有成效  
 任不許陛辭循與汀海接壤陳羅之寇甫息而寇成  
 之黨復張詡到州數日即糾集官民兵丁扼其要衝

率以俘獻猶復增俾浚隍募兵益戍為異日慮以撫  
 綏為政理尚鎮靜為規模催科無急符是以循之細  
 民得以安生樂業與之遺書獎諭書曰循為南中佳  
 郡今非昔比矣狐  
 鼠之妖方息鴻為之居未安茲得通才以當隆委出  
 於上簡不勞陛辭尉遠民之望也撫摩為心鎮靜得  
 體元氣充足而外邪自消千里宅生之寄得選明年脩  
 學校增廩秩閱軍政稽版籍禁譁訐獎孝弟減斛面  
 之取贏罷丁錢之虛額申奏于朝求為定式不惟當  
 時之民德之而後政亦視以為法是年冬梅州復有  
 小警人心皇皇詔知其變脩城壁以嚴保障簡邏謀  
 以探寇情措置捍禦尤極詳備舊有三寨以守隘口

詔擇其要害合而為一用力寡而功倍民賴以安惠

州志

何坦廣昌人淳熙十一年進士少貧好學提刑廣東  
 杜絕請託洗冤澤民斷獄得情以廉平為嶺南首稱  
 官至寶謨閣學士卒謚文定又有湯露者延平人復  
 齊先生陳宓門人也宓守延平盡行朱子之化露得  
 其傳言出人從時及教授韶州士多崇信權學謝升  
 賢脩學未完露節縮經費繼之乃底于成據韶州  
 志脩  
 王中行潮州揭陽人淳熙十二年為東莞令慈祥愷  
 悌行政以興學敦化為首舊學隘陋中行遷于今址

右廟左學文風以振尤且勸農桑均賦役恩敷惠流  
輿人頌之有循良風據廣州志脩

王必誠莆田人知翁源縣性明察勤慎率先禮教患  
邑黠學徒捐俸脩葺黌校置墟市行保甲禁奸宄存

恤老幼士民皆得其所邑賴以寧據韶州志脩

丁允元字叔中常州人淳熙中以忠諫謫守于潮增

置韓江西岸石洲四架以梁而屋其上民懷之名曰

丁公橋撥田租三百六十五石于學以贍士今祀于

名宦據潮州志脩

黃揆福州人淳熙十四年知新州州之米賤鈔貴例

以鈔折租稅之入民甚苦之揆即白諸司乞減其價

從之百姓感悅秩滿入覲首以鈔租折變之害為言

朝廷加納氏誦至今不衰據舊通志脩

周開字師孟荊州人淳熙中知蕪州政務簡靜追呼

公事開示而已民不識吏庭無留訟崇尚學校治教

興行士子立祠于學據舊通志脩

曾造南豐人丞相文肅公之玄孫以韶州曹掾辟知

乳源縣調為政當先養而後教之於是籍在官之田

與民之廢產幾四百畝需其入聚邑子弟之秀者而

教之立職長嚴課試創學宮置祭器文風翕然不變

淳熙十六年調知樂昌縣以化民成俗為急務遷學于城東籍官田之入以養士士以日盛於是樂昌文化媲美中州其為人謙和而疆濟平易而近民邑人士相與祠于學江武為撰生祠記云據韶州志脩侯畱温州樂清人授合浦尉有才猷愛民卹士後死海州之難其鄉皆立廟賜額旌忠謚節毅所著有霜

崖集

據惠州志脩

馬晞驥新會人持國之子淳熙中擢進士歷陞判肇慶府留心佐政有潛以竒硯獻者晞驥謝之曰此非暮夜金但吾職貳郡當飲水自勵何敢以長物汚家

聲耶其人慙而退之由是名節益著尋遷知雷州官

至朝議大夫

據廣州志增脩

上官謚字宇國邵武人為學務求義理從朱熹學益加涵養以祖廕授會昌尉調永州軍事推官為政尚簡易轉知四會視事一如永州未幾卒據肇慶志脩

王克恭字彥禮南安人淳熙十四年進士教授循州以理義迪後進講授不倦通判廣州海寇掠境盛夏暑泄力疾督師擒其酋以徇辟知新州奏減丁米民

德之累遷度支駕部郎中奉祠卒

據泉州志脩

張勳字希聖丞相魏國公之姪孫南軒先生其叔父

也紹熙二年為東筦令誠心受民每憂旱虔禱甘澍  
輒應邑舊有東嶽行祠圯壞曰神與令均愛民寄而  
祠不稱令之咎也遂重建之據舊通志脩

陳宏規字獻可漳州人慶元元年任知州增置韓江  
東岸石洲二結架如丁公橋名曰濟川關養濟院以  
處廢疾無告者今祀名宦據潮州志脩

林嶼福州人慶元三年任知州愛民如子州有白丁  
錢逃亡者責累甲頭民甚苦之嶼奏免復置田以益  
學廩構濟川橋以便往來惠政甚多祀于各宦據潮州志脩

滕安字景表平江人大理評事通判廣州慶元間辟  
知新州未幾括閑田以養士掄材木以脩學舍制為  
定規約三歲俱送赴省士子正解免各有等差時賢  
士大夫多稱賞之據舊通志脩

陳模永春人進士慶元間知梅州有善政民立祠祀  
之據潮州志脩

張格不知何許人知南恩州居官以清白自守仁聞  
燁然一日遣介還諸子各有所遺啓緘惟蠟酒器十  
他無一物據陽江志脩

陳擘福州人曾祖襄篤行循良世稱古靈先生由刪

定官出守臨江治績居最持節嶺南職司其憂詔郡  
 東西橋廢久不治民涉且病擘首復其東橋江面七  
 百尺用舟五十費五百餘萬計日而成毫髮不擾憫  
 官族流落無依倣廣恩館之制荆安仁宅以居之又  
 得廢寺絕戶之田歲入二千斛以口數均給嫁聚喪  
 葬歛助有差凡護樁出嶺者亦量遠近賙之據韶州志脩  
 陳穎字奇之泉州人以父蔭入官知海陽縣治以寬  
 慈盡蠲無名之賦人號陳佛子後知惠州妖覲嘯徒  
 策日為變帥臣欲以兵捕之穎謂捕則堅其必死心  
 不若撫之使定竟就招提舉廣東市舶卒據泉州志脩

廖叔政字正臣晉江人由右學絕倫慶元二年武舉  
 歷興寧令瓊莞寇作督捕有功復勦古縣徃寇臺闌  
 上其功辟守告陽改高州就除邕管以祠歸戊寅海  
 寇之警與寓公儲襄帥親至海島募集民船掩獲其  
 曾真文忠薦于朝命未下卒據泉州志脩  
 傅烈字承仲晉江人以易學名家他諸經史皆淹貫  
 慶元五年擢進士第試中教官科歷南劍惠州教授  
 講經必終篇帙程又揭小去取矩矱整飭政秋知保  
 昌縣通判循州憫鹽鈔抑配屬邑之擾招誘商筏平  
 直售之不取贏自潤民懷其惠差知梅州未上卒據



州志

唐彪字仲孺靜江人嘉泰三年知新州前此縣道銷

丁割稅差役折戶皆取於民田遺利民甚病之彪到

任自奏罷之邦人感其德據肇慶志脩

梁克俊字叔明泉州人也嘉泰初知循州積公帑數

千以脩城葺學循人以其有功于民祠於縣治其後

同郡趙善諤字安之繼知循州勤恤民隱而除其害

易茅屋以瓦民病涉則為之架梁凡可以為循利者

靡不究心邦人德之為生立祠焉據惠州志脩

吳懿德字夏卿處州慶元人嘉定二年進士英州教

授知玉山縣改知新會時縣久無正官弊端如毛民

徃于訟且瀕海多盜縣不能制懿德至縣事無鉅細

必親時新令至蚤戶有給由錢受訴牒有醋息錢一

切罷去凡仕族之流寓與悍獨顛連無告者廩其食

春賦貧民錢粟夏則和藥施之雖溝澮亦時濬治其

誠於為民皆此類以廉介有聲辟通判廣州未及拜

而卒將沒前二日書于冊曰平生薄宦甘受凍飢一

介不取一毫不欺嘗祠晉刺史吳隱之于縣東以勵

來者邑民謂其清白可尚遂配享焉西山真德秀誌

其墓甚稱重之祠地今無考○據西山文集新會志參修

李皎字仲交嘉泰六年知雷州法雖寬而民之趨令者甚勤政雖簡而事之當行者不廢不屑屑於財而凡百之需未嘗不足脩文廟建雲章閣且有功於學

校焉

據雷州志脩

鄭輪字景行德化人嘉泰二年進士尉保昌獲強盜

不肯論賞曰人命可易官乎歷廣東運司王管文字

辟知循州卒

據泉州志脩

顏慵字養正晉江人以太學生登開禧元年第歷南

海令有惠政以考最通判循州知梅州贛寇陳三槍

萬衆逼梅城四十二日慵激厲將士分隅拒守又合

登船布水陣攢矢射之賊遁去帥垣上其功會病卒

據泉州志脩

鄭公明嘉定二年知雷州為政有體禮賢重士廣學

宮而脩之民無怨讟

據雷州志脩

徐天麟字仲祥得之仲子開禧進士調撫州教授累

遷武學博士召對言人主當持心以敬通判惠潭二

州權英德府所至興學明教有惠政著有兩漢會要

七十卷漢兵本末一卷西漢地理疏六卷山經三十

卷既謝官作亭蕭灘之上畫嚴子陵像事之以自况

據惠州志脩

許之選字叔仁臨川人開禧進士授南雄教官時尙  
寇逼城守令欲棄去選毅然率同僚脩守備城外避  
寇者至則納之寇遂引去部使者論薦分教連州考  
試五年多得知名士蜀帥辟幹官有巨商為吏誣匿  
稅選直之刻石頌德魏翁薦授泰和宰明巨奸戕民  
撓政罪豪民斂迹秩滿士民為立德政生祠碑據南雄志脩  
會治鳳字君儀晉江人開禧元年進士歷官廣東提  
刑以將作監知袁州復直煥章閣帥廣東性簡儉愛  
惜公帑一毫不以妄費不嗜殺戮寇發循惠間郡請  
兵捕追不從必諭降之端平二年進直徽猷閣改知

建寧會成卒挺亂薄廣城時已解印引咎丐罷奉祠

數年卒據泉州志脩

趙善僕先任南雄州判嘉定三年准旨知州事時江

西崗寇猖獗數來犯境趙親提兵督戰至沙水其子

監廟汝振與司法叅軍黃樞從之兵敗俱死于賊其

忘家徇國如此郡人哀而祠之據南雄志脩

趙希呂通判雷州慨前人之政有廢而不舉者於是

築缺堤浚湮渠大興水利紹何戴之績焉據雷州志脩

陳岳字伯谷福州人嘉定戊寅為恩州守撫循勞來

御民以誠民安之其有喪不能塋者為兩義塚於東

山馮將軍墓側別男女以瘞之當道聞其賢薦之擢

本路提刑據肇慶府志

王自求福州人定之子嘉定間任知潮州撥方宜等

田于學以養士與丁允元陳宏規並以賢守稱今祀

于名宦據潮州志脩

黃學行字上父惠安人以上舍登嘉定元年第授教

全州歷判建寧知循州時贛寇據松梓山招捕使合

兵破之奔逸嶺外學行激厲隅總擒追其酋以勞遷

秩因乞增州兵戍從州節制年六十一卒據泉州志脩

黃庶分寧人嘉定八年知南雄州訪民疾苦脩復凌

連二陂郡人利之及秩滿去千餘人留之馬不能進

據南雄志脩

李華建寧建安人嘉定十一年為連州司法時楞伽

峽崩水逆行城郭昏墊者數歲華力請于郡仍赴漕

臺建議身任疏鑿之責三載峽底于平既滿去聞郡

守留元長有遷學之議猶以私錢五十萬來助其役

據廣州志脩

曾噩字子肅福州人嘉定十二年任知潮州學舍營

建之功居多今祀于名宦據潮州志脩

孫密大梁人嘉定十二年知南雄州事先大體百廢

俱興郡人典故悉心搜訪重脩嘉定志十卷今因之  
得以考文獻焉據南雄志脩

許巨川字東甫溫陵人登嘉定甲戌進士第其學得  
伊洛紫陽之傳初董教廣庠篤志訓誨學者有所矜  
式人士感之建生祠于泮宮東崔與之自蜀歸聞而  
嘉之及為東莞令首謁學以禮殿堂廡陋出米橐十  
萬繕葺邑務雖繁必與諸生講解以勵術業復立小  
學以訓童蒙且撫摩愷悌殿中書劉克莊時為計使  
閱其斷訟以為仁至義盡邑人士做郡庠亦建生祠  
詳見李文溪經史閣記據舊通志東莞志參脩

王胄字希戴永春人嘉定十六年省試第一連登進  
士調惠州教授入為太學正遷博士禮闈校藝諫官  
同典舉欲私行厚以險怪之作冠多士胄識其文曰  
必某人也典舉色沮易真次列而心銜之揭曉以劾  
罷惠州通判羅浮山水之勝題詠殆遍歲餘卒于官

據泉州志脩

鄭至果字子剛晉江人嘉定十六年進士授福清尉  
丁內艱有芝產于甞知梅州州屢易官百凡廢墜闕  
實脩舉百廢俱興齟寇出沒郡境戒嚴擒其兇渠梟  
之境賴以安據泉州志脩

顏公衮字昇卿龍溪人也以父澤補官紹定間興寧令時強寇陳三槍羅動天逼境公衮出與遇下車諭以理義賊怒不聽公衮厲聲罵賊被執死於邑校大成殿前邑人哀之為立祠詔贈朝奉郎官其子據惠州志

徐千能莆田人紹定間興寧簿任未一月亦以陳羅之亂與顏令同死於寇據惠州志

揚大異字同伯唐天平節度使漢公之後十世祖祥避地醴陵因家焉祥事親孝親亡哀毀泣盡繼以血廬墓終身有白芝白鳥白兔之瑞事聞于朝褒封至

孝公賜名木植墓道以旌其孝大異從胡宏受春秋大義登嘉定十三年進士第遷大理寺丞進直秘閣提點廣東刑獄兼庾事時常平司逋負山積械繫追索姦蠹百出大異與之約悉縱遣之負者如期畢輸吏無所容其姦訪張九齡曲江故宅建相江書院以祀九齡改提點廣西刑獄兼漕庾二司所至姦吏屏息寇盜絕迹據韶州志黃晟紹定間知南雄州敦尚教化初久旱歲至禱而有感雨三日歲大熟民苦賦役之重奏蠲之邦人為立生祠據南雄志

李茂先溫陵人紹定六年教授南恩州西山真德秀所重勉其教人以大學為戶庭中庸為閭奧居仁宅踐義路孝悌其纓弁忠信其履綦成就人才以躡張文獻姜相國之躡嘗曰茂先金玉其人予故以是懋之嘉靖二十五年秋知縣吳煥祀于名宦祠據陽江志脩

程琳字奇卿臨川人寶慶進士志尚剛勁識慮精審調南雄州法曹紹定中盜有號鐵鑿猛虎者倡亂琳戎服督捕不憚炎暑與摧鋒將李繼周協謀鼓勇七日而擒二酋上功辟保昌令未幾而卒士民嗟悼像于忠孝祠以李繼配祀據南雄志脩

冷應澂字公定洪州分寧人紹定中進士知德慶州前守政不立縱暴吏侵漁峒僚往往致變應澂檄諭之僚感之欲自歸為謀主所惑不果應澂出其不意擒之屬縣租賦諉道阻久不至郡應澂為立期日督輸者與減分未至則償所減民惟恐後不一月訖事後直寶章閣知廣州主管廣南東路經畧安撫司公事馬步軍都總管領漕如故剽劇如家事吏民戴之後卒于家據廣州志德慶州志參脩

崔與之廣州增城人累官廣西提點刑獄時廉州屬廣西路與之徧歷廉欽等處秋毫無擾停車裁決獎

廉劾貪興利革弊風采凜然珠崖人次其事為海上  
澄清錄高惟晉嘗刻其所申論者號嶺海便民榜入  
排和議出脩戰且後辭丞相樞密事見人物傳據瓊  
脩

吳與字可權漳浦人徙居龍溪知四會縣有惠政常

論事憲臺燕若蒙勵聲曰乃欲效漢唐令耶荅曰固

願學之恨不至耳燕為政容徒學省罰有循良風累

遷奉議郎通判潮州終廣東提刑據八閩  
通志脩

劉椿字壽卿先領兵平澄臨昌化三處寇端平初始

知萬安軍買扶黎崱聞風相率至瓊迎納欵輸貢事

詳黎順亭記據瓊臺  
志脩

梁益謙荆南人宋端平中為香山令首重學校課

七十增學田二頃二十有六畝疏南濠之水以灌陂

田捐俸置賑濟倉民德之為立德政碑劉漢英德政  
碑廣郡之

南舟行可四口許有嶼曰香山環巒引海舊隸于采  
南東新四邑間紹興壬申始割而邑之前後長吏低  
頭行文書而已視邑如傳舍生聚教養漫不加省學  
用具文邦亦弗靖令尹梁君以吏最聞擢率是邑下  
車喟然曰茲土雖僻居海島吾士亦天地間秀民惟  
問塾黨庠先王所以課民子弟飲射酬祭之間蔭位  
德行之教去王畿為最遠視州長之教為最密令即  
閭胥族師之職學乃此校讀法之遺意民未知教雖  
齊魯之邦亦難理予不飭茲事其何以謂于夫子先  
時春秋二試士子羣來應故事朔望再拜外足罕至  
學君於試期輟已膳羅聽事之隅限之程約訓勸獎  
課以文也命職學事者輪日講繹經史君時來警諭



諸生駢首怡怡提醒發蒙淑以義也學舊有廩畝制  
 微劣每供二祀與春秋教養外廩用不周君乃跡其  
 田之荒廢得於豪民所連之阡為頃二為畝二十有  
 六拾俸量直請于度使以益用支之餼焉邑舊有南  
 濠半疏中壅襟抱虧洩欲道風氣者動以費尼邦之  
 秀民連捧賢書竟未有登巍科膺廕仕者君毅然決  
 之疏庫涌之沙岡引泮池之綠帶鋤鍾雲集自有二  
 日而訖事前峯屏時愛護王立山川草木咸有生氣  
 士既飽德民亦飭惠置倉賑濟丁歲大侵我用有年  
 皆令尹之已俸也漑由有陂瀕邑斥鹵化為膏腴即  
 南濠之餘波也里無浮鼓之音家無吏胥之席父慶  
 其子長勵其幼以毋遺君命每役之興民子赴之激  
 鼓樓之岩巖易戒石之卑陋漏有新籌坊有新亭輪  
 奐飛棟瞻聽聳動微功備器民無積勞經始落成公  
 有餘積始公之來萬目睽睽君不以武競不以懦沮  
 每前人之疲精勞思爬疏別扶而不能就者君能以談  
 笑辦之前人指為虛潤不胥意者君則寄心行之至  
 告以催科前急不可緩者君輒以不能謝蓋君詩書  
 吏為政知所先務不鄙夷吾民而民亦勿使也諸生  
 深感美化一藁謁予曰自吾邑始創垂十九年矣得

令尹而邑之氣象始新自吾邑有學閱數令尹矣得  
 令尹而學之規模始就至於山川蟠結白天造地設  
 以來伏奇隱秀者亦得令尹而軒豁呈露焉其事常  
 矣願求一言以誌予曰諸生心令尹之政化蓋有與  
 邑相為不朽雖不假予言若士與民他日寧忘之乎  
 至於繼心燈傳縣譜以無墜令尹之美意又不得不  
 為後來者勸○  
 據香山志脩

朱熠温州平陽人端平初武舉第一為傳御史知雷  
 州奉公守法絲毫不取於民令嚴事集政教兼舉當  
 時以廉著稱據雷州志脩  
 彭彥班字國器閩人也端平中知循州為政平恕時  
 省檄敷糴彥班請減伍千斛輸轉之費不及于民學  
 宮比捐金錢新之且蠲佃丁困於夫役者五十餘家

隸字以供營繕去之日士民相與留像州學祠焉據

州志脩○彭一祝志作趙

許應龍知潮州時盜起贛州漸逼境上應龍亟調兵分扼要害設間謀謹關隘斷橋開塹區畫有方盜不敢犯既而僚屬以盜平請上功應龍曰守職扞城保民何功之云謝去日闔郡遮道泣送據潮州志脩

朱挺字烈仲福州人端平中知循州領部之日日觀聽可新風教其可緩乎於是行鄉飲而習民以禮舉科試而勉士以學新蘇陳祠宇以勸郡人適外寇過循挺指揮兵卒捕而俘之殆盡據惠州志脩

鄭勳字景周仙遊人端平二年知博羅縣先是廣州摧鋒軍遠戍建康四年比歸留戍江西又四年轉戰皆捷而上功幕府不報求撤戍又不報至是統領熊喬部下卒僧忠遂倡亂焚掠州境長驅西下或勸勳避其鋒勳曰吾為長官見賊而去如吾民何須待能統軍至諭遣之賊至喬已逸勳諭之不從正色叱之遂遇害邑人哀之構祠祀焉據惠州志脩

洪天錫字君疇泉州晉江人寶慶二年進士授廣州司法長吏盛氣待僚屬天錫糾正為多了內艱免喪調潮州司理勢家奪民田天錫言於守還之帥方大

琮辟冀州判官留寘幕府改秩知古田縣行鄉飲酒  
禮邑劇牒愬猥多天錫剖决無留難有倚王邸勢殺  
人者誅之不少貸寶祐三年召為御史首疏論宦官  
董宋臣外戚尉党小人厲文翁不報徑出江干待罪  
中書牟子才右史李昂英交章留之改大理少卿再  
遷太常皆不拜改廣東提點刑獄五辭明年起知潭  
州久之始至官戢盜賊尊先贖踰年大治直寶謨閣  
遷廣東轉運判官决疑獄劾貪吏治財賦皆有法召  
為秘書監兼侍講以曠辭尋致仕加端明殿學士轉  
一官疾革草遺表以規君相上震悼特贈正議大夫

謚文毅天錫言動有準繩居官清介臨事是非不可

回折所著奉議經造講義進故事通祀輯略味言發

墨陽巖文集崔與之送洪陽巖入廣幘再舉赴班詩

遠到須器識昔在晉魏公曾此趨幕職一逢龔莊敏  
期以柱天極紫微得夫君嘉禾乏栽植廣城底山川  
融結此英特精神天獨饒醉盎春可即讀書細研磨  
作文工組織庭隅立兩造片言分曲直疾頑戒已甚  
爭事退如默武庫物兼蓄倉浪蠹莫測同僚總稱好  
載路譽聲塞五年書筵重濟物多陰德榮通付倘來  
薦剡豈求得薰涼快馬耳汗漫捧鵬翼歸裝可對人  
南物一不殖二同蓋著我握手倒中憤幽棲泉石邊  
喜在文溪側平章詩浩蕩指點黑黑白此樂竟何如  
滿懷春抬拍咳唾落珠璣襟期重膠漆高誦歸去辭  
未守兔園冊焉知暮歲後苦被功名迫終能幡然起  
行矣各弩力長途希樹陰蕭即謹眠食懸知風月宵  
定啓山夫憶○第天驥

據廣州志脩

天驥字逸仲少有異質貫通經史百家逮事王大母疾甚剔股肉雜湯藥以進疾遂愈然終身不以語人淳祐七年登進士初爲建寧尉折獄誨士見稱於時調連州推官未上寶祐改元差監惠民南局四年較藝南宮得文天祥卷置之上第一人服其明尋罷歸六年淮閩辟致爲屬景定二年通班授宣教郎知香山縣至之日以教養人材爲首務脩復大成殿明倫有堂主敬羨身賓賢登俊有齋皆損俸入爲之歛不及民其爲政一裁於義俗謹健最其尤桀黠者曰此囚牙訟師去則吾民安矣邑以大治經畧使洪勳趙汝

